



Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiæ & Iuris Canonici Doctoris |||
celeberrimi, ac Ecclesiæ Ham-||burgensis quondam
Decani**

Krantz, Albert

Coloniae, 1574

Capvt VI.

urn:nbn:de:hbz:466:1-11453

marchionis, ad archiepiscopatum Magdeburgensem transferretur, Adolpho apud Moguntiam permanente. Exitus autem memorati Ludouici cladem attulit insig-
nem. In oppidum Caluen multā ecclesiæ euocavit militiā. Aderant euocati cum vxoribus & filiabus, diem festum cum suo acturi pontifice. Prætorium quod erat in oppido spatiōsum, illis vībus instructum, desumpsere ad vanitates ducendasq; choreas: ut est hoc hominū genus motu leue, cantu solutum, & luxu paratum. Du-
cebant in gyro vertiginosam & ridiculam circuitiōnem. Saliebant ad manus dominarum alacriter, ut immenso pondere victa domus, subsidere minaretur, crepitum grandem præmittens. Archiepiscopus, apprehensa ad manū quæ proxima stabat domina, gradus, inter pri-
mos abiturus, petiuit. Vbi iam descendere cœpit, lapi-
deus ille antè solutus gradus concidit, & archiepiscopum cum conforde, & nonnullis alijs ruinæ inuoluens, misera-
vabiliter extinxit.

C A P V T VI.

Otto dux de Leina, iam ad cor post deuia reuer-
sus, Albertus Magdeburgensis archiepiscopus, & Albertus Halberstadensis præfus, Fridericus dux Brunswicensis, Albertus dux de Salina, Busso de Re-
gensten, Henricus de Honsten, Gunterus de Stalberg,
Conradus & Theodoricus de Gowingrade comites, &
multi prætereā nobiles, barones, milites, interuenienti-
bus placitis, aliquando in commemorationem adduce-
bant: quid sit, quodd ubique terrarum innoxij mercato-
res vadant & redeant, vestigalia soluentes principibus
per opportuna & constituta loca: cur infelix Saxonia,
nulli prouinciae vel opibus, vel fortissimis viris cedens,
non illo posset bono perfui, ut publica securitate præsi-
ta, in-

ta, incolumes per itinera vadant commeantes: constitu-
eruntq; vt in reliquum ea pax esset, & innoxia via mer-
catoribus: maximis pœnis in contemptores & violato-
res constitutis, communibus odijs insectaturi prædatores
& receptatores: Quæres effecit, vt aliquandiu Saxo-
nia hoc genus græandi nesciret. Wentzlaus per ea tem-
pora floruit, qui post Albertum Saxoniae & ipse dux su-
perioris, in terra Luneburgensi dominabatur: essetque
necdum extinetus liuor, inter Brunswicenses, & eosdem
de Luneburgo duces: quod ille principibus Brunswic-
censibus debitus putaretur. Quocirca communi princi-
pum placito ita ordinatum est, vt Fridericus & Bern-
hardus fratres duces Brunswicenses iuniores, duas
Wentzlaifilias acciperent coniuges: vt mixto virinque
sanguine, & maior interim concordia, & terris pax red-
deretur. Quo tempore coepit ille cursus in Wilsenacum
oppidum Prignissa, per occasionem, quam in Wandala
deteximus. Viuebat adhuc Albertus dux Saxoniae atque
Luneburgi, cum Wentzlaus fratre eius, eam cum
ducibus Brufwici, quam diximus, iniijt affinitatem. Nam
peream tempestatem in arce Ribeling oppugnauit mi-
litares de Mandeslo, multa terris incommoda inuehen-
tes. Ibi dux dum vrgeret oppugnationem, iictus bombar-
da, crus amisit. Moriturus autem præcepit suis, ne ab-
ierint, nisi expugnata arce. Illi paruerunt, vsque adeò
prementes obcessos, vt deditioñem facerent, paci abire
incolumes, & terra excedere vsque ad gratiam ducis
Wentzlaui, qui Alberto fratreli in ditione successit, re-
cupera tam. Ita tum arcem deseruere, quam deditam
milites duci suo seruauere, vt eius arbitratu vel excin-
deretur, vel alteri mandaretur.

CAPVT

